

08.10.2025

UKA2025/90

Isak Johannessen, Naleraq

Nunatsinni tarnip pissusaanik ilisimatusarnerup iluani ilinniarfimmik imaluunniit pikkorissaanernik pilersitsisoqarnissaannik pisariaqartitsineq kiisalu taakku aningaasaqarnikkut allaffissornikullu kingunerisassaas pillugit Naalakkersuisut nassuiaasioqqullugit peqquneqarnissaannik Inatsisartut aalajangiiffisassaattut siunnersuut.

(Inatsisartunut ilaasortat Mariane Pavisen Jensen, Paarma Lund Kreutzmann, Inuit Ataqtigiit)

Siullermeerneqarneranut oqaaseqaat:

Aallaqqaasiullugu oqaatigerusunnarpoq ajornartorsiutip nunatsinni alliartuinnartup, Nassuerutigineqarnera alloriarnertut siullertut naleqqamiit isigatsigu. Tassanimi aallartittarmat ajornartorsiutip qanoq iliuuseqarfiginialerneqarnera.

Inuiaammi tamatta ajornartorsiutip nassuerutigineratigut, Misissuineq, Kingornalu akiorniarlugu piumasaqalerneq aallartissagatsigu.

Naleqqamiit paasilluarparput inuit 1400-jut missaaniittut oqaatigineqartut nunatsinni tarnimikkut Nappaateqartut,

Ajornartorsiutillu massakkut nunatta kivissinnaasimanngisaata, Napparsimaveqarfinnilu artorsareertuni inissisimanera,

Napparsimavinni sulisut nakorsat amigaatigeqisatta piffinni Assigiingitsuni atorneqartarneri takornartaangimmat

Ilinniarfimmik nunatsinni aallartisaasoqarnissaa akueraarput,

Tassani immitsinnut aallaavigaluta ajornartorsiutitta, Sineriak tamakkerlugu isorliunerusut mininnagit, Akiorniarneqarnissaanut nukissanik peqalerniassagatta.

Ajornartorsiutilli kingusinaaraluarluta qulaajarluarneqarnissaa Naleqqamiit iternga,



Killiffiatu paasilluarneqarnissaa, iluarsiiffiniarnissaanullu periusissioornissaq tamatta peqataaffigaluguli isumaqatigiissutigissagipput.

Nalornissutigilagulu naleqqamiit Oqaloqataallutalu tapersiissaagut
Pingaartilluguli inuiaat kinaassuserput,
Oqaatsivut misigissutsivullu eqqaamaneqassasut,

Massakkummi ilaatigut tusartaratsigit sullissinerlunnerit,
Immaqa oqaatsit peqqutaaqataallutik kukkuluttornerit
Suusupagineqarnertutut taaneqarsinnaasut
Nalaanneqartarmata,

Tassani naleqqamiit Inuit tamatta nunatsinniittut
Paasisinnaasaannik oqaatsivut atorlugit piareersaasiortoqarnissaa
kissaatigigatsigu.

Peqqussutigerusupparpulli misissuinerlut ilanngunneqassasoq,
Nunatsinni qassit tarnip pissusaanik ilisimasallit sulinersut?
Kalaallisullu oqalussinnaasut qassiunerat qulaajartikkusullugu.

Nunatsinni tarnip pissusaanik ilinniarsimasut qassit pisariaqartinneqarnerat
Misissorluarneqarnissaa aamma pisariaqarsoraarput,
tassani naatsorsorneqassammat ukiuni qassini,
Qanoq amerlatigisut atuarnermi aallartittassanersut
Pisariaqartitsinerput matussusernissaanut ukiut qassit atussanerlutigit
takusinnaalerniassagatsigu
Taamaasillunili aamma ilinniartimmik aningaasat qassit atornerneqarnissaat
Missigersorneqarsinnaalissammata.

Nunatsinni inissisimaffipput eqqaassagaanni imak pisariaqartigaaq
Utaqqeqqissinnaanata, pisariaqartitsineq annertoqimmat,

Taamaattumik oqaatigerusupparput pilertortumik una suliassaq suliarineqassasoq
Naammassineqassasorlu.

Ukiut qassit nalunngereersimavarput ajornartorsiut alliaartortoq,
allanilli pingaarnersiuisarsimaneq ukiuni kingullerni inuit pilliutigalugit
ajuusaarnartoq nassuerutigisariaqalerparput.



Maannakkullu piffissanngorpoq iliuuseqarnissarput.

Peqqinnissaqarfimmi, inunnik isumaginninnermi atuarfeqarfimmi

Allanilu sulisut ilugersortitaasut aningaasatigut sulinermili

Atukkatigut ilugersunartumik inissisimanerat puigorneqassanngitsoq naleqqamiit isumaqarpugut.

Taamaammat peqqinnissaqarfinni takusakkagut tusartakkavullu

Peqqissaasutut ilinniarsimasut, akissaatit atugassarititaasullu pillugit suliaassinngisaminnik

Sulititaapiloornerat nungullarnaluni pissusissamisuungimmat

Ilanngullugu ataatsimiitsitaliami nalilersoqquarput.

Naggataatigut pingaartipparput kissaatigaarpullu nukittuumik tunngaveqarluta

kivitseqatigiinnissarput nunatsinni inuiaat nukittuumik inissisimalersussat

Naleqqamiit kissaatigilluinnaratigut taamaasilluta aamma anersaakkut eqqarsartaatsikkut

tarnikkullu nukittuumik inissisimalluta toqqammaveqarluta nunarput kivinniassavarput

nunap inui ataatsimoorluta iliuuseqaqatigiittarnertigut.

Maannakkut tarnikut pisariaqartitsisut ukiuni amerlavallaani nipaalluta

isiginnaaginnarunnaarlugit iliuuseqalernerput pillugu Naleqqamiit tamaviaaqataassaagut

taamatullu oqaaseqarluta siunnersuut tapersorsorlutigu iliuuseqarnissamik innersuussilluta

ataatsimiititaliamut iliuuseqarnissamut periuseqalernissamut siunnerfeqartoqarnissaanik

tapersiilluta Naleqqamiit suliakkiissutigarpurput.